



Inatsisartunut ilaasortaq Juliane Henningsen, Inuit Ataqtigiit  
c/o Inatsisartut Allattoqarfiat  
/Maani

### 2014-imi § 37 naapertorlugu apeqqummut akissut nr. 46

Ulloq 24. februar 2014 Naalakkersuisunut imaattunik apeqquteqarputit:

Inuit nunanit allanit nunasillutik tikeqqammersut inuiaqatigiinnut akuu-  
nerulersinneqarnissaat anguniarlugu kulturikkut, oqaatsitigut inooqati-giiner-  
mullu aqutissiussinissamik innersuussiffiusumik maleruagassior-nissamik Naalakkersuisut  
pilersaaruteqarnerlutik?

14-03-2014  
Sags nr. 2014-097179  
Dok. nr. 1511156

Postboks 1015  
3900 Nuuk  
Tlf. (+299) 34 50 00  
Fax (+299) 32 50 02  
E-mail: govsec@nanoq.gl  
www.naalakkersuisut.gl

---

Naalakkersuisut isumaqarput nunasisut namminneerlutik soqtigisariaqaraat Kalaallit  
Nunaanni inuiaqatigiinnut akuunerulernissaq, ingammik kulturerput, oqaatsivut,  
naleqartitavut, ileqquvut ilitsoqqussavullu.

Kissaatiginarpoq Kalaallit Nunaanni innuttaasut allallu nunaserlaat tikiluaqqussagaat  
ulluinnarnilu inuunermut ajungitsumik akooqataalersillugit, taamaalilluni  
assigiinngissutsit assigiissutsillu pillugit peqatigiilluni ataqeqatigiinnissaq  
pitsaanerpaaq atorlugu akooqatigiilernissaq anguneqaqqullugu, tamanna inuup  
atugarissaarnissaanut Kalaallillu Nunaata siunissaanut pingaaruteqarmat.

Danmarkimiit nutaanik suleqatissanik tikisitsisarneq assigiinngitsuni pisarpoq.  
Namminersortut aammalu pisortani sulisitsisut sulisussanut nutaanut ilisarititsiniarlutik  
kursusertitsisarput. Assersuutigalugu taaneqarsinnaapput Danmarkimiit  
ilinniartitsisussat nutaat, meeqqat atuarfianni, ilinniarnertuunngorniarni  
inuutissarsiutitigut ilinniarni ataatsimoortillugit kursusertinneqartarput, tamannalu  
Kalaallit Nunaannut nunanisussat sulii aallanngitsut Danmarkimi ingerlanneqartarpoq.  
Kursusertitsisarnerni taakkunani suleqatitaassat kulturikkut oqaatsitigullu naleqartitat,  
ileqqut ilitsoqqussallu suunersut pillugit paasissutissiivigineqartarput. Kursusimissaaq  
suleqatitaassat periarfissinneqartarput Kalaallit Nunaannut tikitsinnatik inunnik  
attaveqatigisartagassaminnik ilisarimasaaqalissasut.


Kalaallit Nunaanni nutserlaanut kalaallit oqaasii pillugit ingerlaavartumik  
immikkoortukkuutaanik kursusertitsisoqartarpoq. Taakku kursuset  
aaqqissuunneqartarput najuulluni pimoorussamik sammisaqartitsinertut, najugarisaq  
qimangikkaluarlugu kursusertitsisarnikkut, aammattaaq inuttassaqluaraangat  
interneti aqutugalugu Sineriammiittunut kursusertitsisoqartarluni. Kursuset taakku  
Namminersortut Oqartussanit aningaasalerneqartarput, soorlu najuukkiartuutaa  
kursusertitsisarnerit sapaatip akunneranik sivisussuseqartartut 1.500 kr.-nik  
akeqartarput, tassunga ilanngullugit angalaneq najugaqarnerlu, Kalaallit Nunaanniit  
suminngaanniit tikikkaluaaraanniluunniit.

Naalakkersuisut isumaliutigiumavaat nunaserlaanut akuunerulersitsinissamik  
neqeroorut pisortanut suliaassaansersoq. Ingerlanneqarnissaa eqqarsaatigalugu

unammillernartoqarsinnaavoq arlaqartunik. Tassani annerusumik  
eqqarsaatigineqarpoq Kalaallit Nunaata isorartussusia aningaasartornarsinnaasoq  
nunaserlaat arlaqartut illoqarfinni minnerni nunaqarfinnilu najugaqartarmata.

Aammattaaq maluginiagassat ilagaat akuunerulersitsinissamut neqeroorutit  
taamaallaat danskisut tuluttullu allaqqasassanersut, taamaattoqassappat pingajuattut  
ilaasartussaagaluit amerliartuinnartut mattunneqassammata.

Inussiarnersumik inuulluaqqusillunga



Aleqa Hammond